

Մշոյ դաշտի մէջ և ի հիւսիս Պուլանիս¹, ճապաղ-
ջուր, կէօքսու, բիւրականեան լերան բնակչաց մէջ, Մա-
նագիւրտ և մասնաւորապէս յԱլաշկերտ: Արևելքէն մին-
չև Մերրովթ և Գոգուր լեռներու ստորոտներն, հա-
րաւային կողմէ մինչև Չուխուրներ, Խուլթայ լեռնա-
կաններ և Սասուն:

Չորրորդ՝ Կարնոյ բարբառը ամբողջ բարձր հայք
տարածուած է, նաև յարևելս և արևելեան հիւսիսէ
Բասան, ուստի Կաղզուան, Կարս, Շիրակք, Ալէքսան-
դրապօլ, Ախլցխայ, Ախրքելէք ևլն:

Հինգերորդ՝ Խարբերդու բարբառն հոսանք մի կաղ-
մած է ի հիւսիս արևմուտս գլխաւորաբար, յարևմուտս
և ի հարաւ արևմուտս որք են, Քզի, Բալու, Ակն,
Երզնկայ, Տիվրիկ, Արաբկեր ևլն, ուստի կանցնի փոքր
հայք, կիջնայ սև ծովի եզրները, ուստի Պօլիս, ուր
աղաւաղուած է:

Վեցերորդ՝ Արարատեան գաւառաբարբառն տա-
րածուած է միայն Երևանեան դաշտի մէջ, ուստի Գառ-
նի, Շարուր, Մախիջեան և ապա Ատրպատական:

Երևանեան դաշտի հիւսիսային բարձունքը, Արա-
գածի արևելեան կողերուն վերայ կայ Աբարան գաւա-
ռակն, որոյ ժողովուրդն դեռ կը խօսի Բաղրևանդայ
բարբառով, ուստի և գաղթած են, նոյնպէս Սևանայ
ծովի շուրջն դանուած ամբողջ գիւղօրայք կը խօսին
այն գաւառաբարբառով ուստի որ գաղթած են, այ-
սինքն Պայաղիտի, Իրիատինայ և Ալաշկերտի բարբա-
ռով, ոմանք ևս Խոյա բարբառով:

1. Պուլանիսայ բարբառին մասնաւոր ինչ խառնուած է Բաղշոյ
բարբառն: